



O soi lât a cialâlê.

O ai vierte la puarte in sfese par no disturbâle, je distirade che e polse , il viaç al è stât lunc al e miôr che si cuieti.

Al è trê agns che e je lade la vecje, o jeri stuf di stâ di bessôl, di no vê nissun di tignî di cont.

Il tire e mole al è lâf indenant un biel pôc, i miei fîs mi àn dite di dut par convincimi a no fâlu:

“Se hai bisogno di compagnia piuttosto prenditi un cane”.

“Non sarai più padrone di te stesso ”

“Tutti quei soldi solo per farla venire qui, ma pensi a noi ed ai tuoi nipoti?”

A àn fevelât ancje cui cunfinants, e chei: “Sta atent a ce che tu fasis” e dopo la solite culture di ostarie: “Vacche e buoi dei paesi tuoi.”

Cuasi quasi mi mandin ancje il plevan a rompi lis sciatis, ma par fortune, inteligjent, no si è fat viodi.

Jo dûr! Decidût! No ai cambiât idee!

Dal rest e je biele, zovine, gjambe lungje, piel colôr cafelat e cuant che tu le cjarecis al samee di cjareçâ velût.

E, in confidence, un luvri cussì no lu vevi mai viodût.

“Bon, cumò o voi! O ai propite voie di viodi se cheste frisone olandese e fâs cuarante litros di lat come che mi an prometût!

**di Pauli Fantini**

**#930**